



Khutba Jummah

HAZRAT MUHYI-UD-DIN AL-KHALIFATULLAH

Munir Ahmad Azim

04 Novembre 2016 ~
(03 Safar 1438 AH)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite cause lor le sujet de "Purification par La Prière":

وَاسْتَعِينُوا بِالصَّبْرِ وَالصَّلَاةِ وَإِنَّهَا كَبِيرَةٌ إِلَّا عَلَى الْخَاشِعِينَ

الَّذِينَ يَظُنُّونَ أَنَّهُمْ مُلْقُوا رَبِّهِمْ وَأَنَّهُمْ إِلَيْهِ رَاجِعُونَ

Wasta-'iinnu bis-Sabri was-Salaah: wa 'innahaa lakabii-ratun 'illaa 'alal-Khaashi-'iin. 'Allaziina yazun nuu na'annahum-mulaaquu Rabbihim wa 'annahum 'ilayhi raaji-'uun.

« Demande l'aide (Allah) avec patience et dans la prière. Sa, li difficile mais pas pou bane ki soumette et ki maziné ki zot pou rencontre zot Maître (ene jour), et ki zot pou retourne vers Li. » (Al-Baqara 2: 46-47).

La prière (*Salaate*) c'est ene purification spirituelle ki bane musulmans bizin fer cinq fois par jour. La prière li forme ene partie intégrante de l'islam et li donc obligatoire lor sak croyant musulman ki sincère. La prière permette à bane musulmans pou affirme cinq fois par jour l'Unité et bane attributs d'Allah, et ainsi ki zot croyance dans Muhammad (saws), le Messenger d'Allah. La prière forme donc ene partie intégrante de bane zaffaires quotidien d'ene musulman - Allah (twf) fine commande li pour prier le matin avant soleil lever (*Fajr*), li fine gagne aussi commandement pour faire la prière zis après midi (*Zohr*), ene troisième dans l'après-midi (*Asr*), ene quatrième zis après le

coucher du soleil (*Maghrib*), et ene cinquième à soir avant ki li alle dormi. La prière li donc premier l'occupation quotidien d'ene musulman et aussi so dernier l'occupation (avant li alle dormi). La prière permette à l'homme, même kan li extra occupé, pou dissocier li de bane zaffaires mondaines pour ki li alle mazine so Créateur (dans *Salaate/ Namaz*). Alor ki l'Islam souligne la responsabilité de sak dimoune envers Allah, li (l'Islam) reconnaite ki l'homme (la race humaine) ena beaucoup de bane faiblesses et de bane imperfections.

Bien ki nous censé prier cinq fois par jour, ena bane exceptions ki accordé pour bane ki zot bane horaires travail zot tel ki zot pas ena permission pou prend ene break pour ki zot capave alle prier dans la journée à bane heures fixé pour la prière. Ainsi, certain bane *Salaate (Namaz/ la prière)* capave être combiné et accomplie ensam. De plus, si nous malade ou en voyage, nous ena sa permission là pour faire bane concessions pour réduire le nombre de bane la prières ou, en cas de maladie, nous capave change la forme de *Salaate*. Par exemple, au lieu prier deboute, celui ki malade capave assisé pour prier et si li pas capave fer même sa, li capave allonger lor lili pour prier.

La prière en congrégation aussi ene institution sociale ki bien important. C'est ene moment kot bane dimounes, riches et pauvres, de rang élevé et de rang inférieur, tenir zot deboute côte à côte en tant ki bane égale pour ki zot mazine Allah (tw) ensam. Pour *Namaz (la prière/ Salaate)* personne pas recevoir traitement préférentiel concernant l'endroit kot zot trouve zot dans Masjid. Le concept de bane places réservé et spécifique (pour bane riche et pauvre etc.) pas exister dans ene Masjid, pour *Salaate* etc. Tout bane différence entre bane dimounes en termes de rang, de richesse ou de couleur disparaîte dans ene l'atmosphère d'égalité devant Allah.

La prière li certainement ene moyen bien fort et efficace pour purification lé cœur. Allah (tw) dire dans Quran Shareef:

« Récite Livre ki to fine gagner par révélation, et faire la prière (Salaate) régulièrement. Salaate empêche faire bane kitchose dégradant et défendu ; et rappeler Allah, c'est kitchose ki plus important ki tout. Allah conne tout saki ou faire. » (Al-Ankaboute 29: 46).

« Pratique la prière (Salaate) dans deux boute la journée (c'est-à-dire, le matin et l'après-midi), et au commencement la nuite. Bon actions répusse mauvais. Sa, c'est réflexion pou bane ki rappler (Allah). » (Hud 11 : 115).

C'est pourquoi bane croyants zot dans l'obligation pou purifier zot:

« Vraiment, celui ki purifier (so l'âme) réussi, et celui ki corrompe li, alle dans la perte. » (Ash-Shams 91: 10-11).

Et le Saint Prophète Muhammad (saws) fine dire: « *La clé Paradis c'est la prière (Salaate/ Namaz), et la clé Salaate c'est Wu'zu (la purification ou l'acte de purification).* » (Tirmidhi).

D'après Abu Dharr (ra), ene Sahabi bien proche de Hazrat Muhammad (saws), le Saint Prophète (saws) fine ene zour sorti en hiver alor ki bane feuilles ti pé tombé. Li fine prend branche d'ene pié et fine fer so bane feuilles tombé. Ensuite li fine appelle Abu Dharr (ra), fine tourne vers li, et fine dire li : « *En vérité, kan ene serviteur musulman prier dans Salaate (Namaz) kot li rode l'amour (ou le visage) d'Allah, so bane péchés tombé couma bane feuilles de sa pié là tombé.* » (Ahmad).

Abu Huraira (ra), ene l'autre proche compagnon (*Sahabi*) de Rassoollullah (saws) fine rapporté ki Hazrat Muhammad (saws) fine dire: « *Supposé ki ene la rivière coulé devant la porte d'ene parmi zot et ki alor li capave lave li (baigné) cinq fois par jour. Eski zot penser ki pou reste kit saleté lor li ?* » Bane compagnons fine réponde ki pas pou reste aucaine impureté lor li (et ki li pou reste propre). Le Prophète d'Allah (saws) fine alor dire: « *Pareillement, sa c'est l'image de bane cinq la prières (Salaate) quotidien à travers quoi Allah efface bane fautes (de So bane serviteurs).* » (Bukhari, Muslim).

De ce fait, le concept de purification (physique et spirituel) li trouve au centre même de l'Islam. Ena beaucoup de bane paroles (*Hadiths*) du Saint Prophète (saws) ki affirme clairement ki la prière (*Salaate*) li ene moyen pou purifier l'adorateur (c'est-à-dire, sa musulman ki pé prier là) de bane mauvais tendances, à l'intérieur de li-même et aussi à l'extérieur, au niveau physique (c'est-à-dire, so l'hygiène corporelle) et l'accomplissement de bane bons actions (c'est-à-dire, l'hygiène spirituelle ki nettoie so l'âme). Et Quran Shareef décrire l'état de sa bane dimounes là dans sa façon là:

« Là-dans ena bane dimounes ki cherche purifier zot, et Allah content bane ki purifier zot. » (At-Tauba 9: 109).

Sans aucaine doute, ene vrai musulman bizin reste pure, de côté so lé corps physique, so l'esprit et so l'âme aussi, et bane la prières quotidien aide li pou atteindre à sa degré de pureté et de bonté là. C'est parski la prière (*Salaate*) li ene forme parfait pou mazine Allah et *Zikrullah* (le Souvenir d'Allah) li ene moyen très efficace pou supprimer le mal et pou purifier lé cœur de sa façon là de bane tendances malsain. Quran Shareef clarifié sa dans sa deux versets là:

« C'est Moi Allah. Pas ena ene l'autre bondié ki Moi. Alor adore-Moi et pratique la prière pou rappel Moi. » (Taha 20: 15).

« Et rappeler Allah, c'est kitchose ki plus important ki tout. » (Al-Ankabut 29: 46).

L'objectif réel de la prière (*Salaate*) c'est ki bane dimounes faudé pas néglige zot bane obligations envers Allah, Qui zot Seigneur et Maître et ki zot tous zot So bane serviteurs. La prière quotidien fine prescrire pour bane croyants pour faire zot rappelle la présence d'Allah (parmi zot) et aussi pour faire zot rappelle zot bane devoirs et obligations ki zot ena envers Li (Allah). Sa pensée (d'Allah) là supprime bane mauvais tendances de l'homme et conduire li à so l'avancement morale. Sa li bien efficace pour ene croyant ki li bizin ena la crainte d'Allah et ki dans so Salaate li conscient ki Allah présent et ki li trouve li devant Allah, parski sa conscience ki li ena là ki Allah devant li là li agir couma barrière pour li pou empêche li alle contre bane la Lois Divines. Plus grand et plus fort encore sa sentiment de la Présence Divine ki sa croyant là ena dans la prière, plus grand et plus efficace pou so capacité pou retenir li pou alle contre la Loi Divine. De ce fait, la prière supprime bane mauvais tendances de l'adorateur, li purifié so lé cœur et so l'âme du mal et dirige li lor le chemin droit vers ene croissance de so propre être, à l'intérieur de li-même, kot li sorti de bane ténèbres de so *nafs* (so moi, so l'égo) et li marche vers la Lumière d'Allah (twt).

La prière quotidien (*Salaate*) fine prescrire pour renforce sa croyance là dans lé cœur de sa dimoune ki pé prier Allah là (de sa adorateur là). Sans *Salaate*, li vine physiquement impossible pou maintenir constamment la force de sa croyance là et, par conséquent, l'attachement à la bonté et la piété. Si lé cœur d'ene adorateur li privé de sa sentiment là, couma eski li pou capave attache li à la bonté et évite le mal par crainte d'Allah dans so la vie quotidien? Recette (ou bien solution) bien claire pour fer sa réussi c'est pou pratique la prière tous les jours : sa pou permette sa adorateur d'Allah là pou évoque Allah et fer revivre la crainte d'Allah dans so lé cœur et par sa moyen là, sa renforcé aussi so croyance dans ene Bondié ki Omniprésent afin ki li (sa croyant là) capave marche dans bane chemins de la bonté et de la piété et évite le mal.

Ki Allah permette à sakaine parmi zot, mo bane disciples et suivants, ainsi ki tous bane musulmans du monde entier pou développe ene excellent goût pour la prière (*Salaate/ Namaz*). Sans la prière, nous couma ene poisson sans de l'eau. Nous pou certainement alor mort spirituellement sans sa rendez-vous constant là avec Allah ki rassure nous ene l'occasion (en or) pou trouve la porte de la Miséricorde, de l'Amour et de la Compassion d'Allah touzour ouvert pou nous. Ki Allah accepté tous nous bane *Salaate* (la prières) et compte nous toujours parmi So bane serviteurs choisi et ki Li bien content. *Ameen*.